

Protesta batean infiltratutako guardia zibil bat atxilotu dute

Aski da!-ren kontrako elkarretaratze batean parte hartu zuen

Erredakzioa / Donostia

Deia egunkariak atzo kaleratu zuenez, iragan astean Ertzaintzak Intxaurrondoko

guardia zibil bat atxilotu zuen, Donostian, Aski da! ekimenaren kontzentrazio baten kontra egindako beste kontzentrazio batean.



GARI GARATIALDE

Ertzaintza, artxiboko argazki batean, Aski da!-ren kontra egindako elkarretaratze baten aurka jotzen.

HILEROKO lehenengo ostegunetan ohi den gisan, iragan astean, Aski da! ekimenak deituta, elkarretaratzea egin zuten Donostiako Alderdi Ederren. Haien aurrean 50 lagun inguruk osatutako talde bat jarri zen, eta Ertzaintzak sakabanatu zituen. Horren aurretik, baina, kontrakontzentrazioan zegoen pertsona batek aurre egin zien ertzainei, eta atxilotu egin zuten. Ertzaintzaren arabera, atxilotua Aski da! ekimenaren kontra egindako elkarretaratzearen buruan zihuan.

Deia egunkariak atzo kaleratutako informazioaren arabera, atxilotu zutenean pertsona hori C.A.D. moduan identifikatu bazen ere, Ertzaintzaren komisariara eraman zutenean, ertzainak guardia zibila zela ohartu ziren, eta hark «informazio lanetan» ari zela argudiatu zuen.

Baina atzo Deia-k zabaltu zuenez, kasu horrengatik ireki diren diligentsia judizialetan esaten da pertsona hori ertzain bat jotzen saiatu zela, esku artean zuen ikurrinaren makilarekin. «Pertsona horrek aurre egin dio ertzainari, eta agenteak bultzatuta egin dio, bere ingurutik alde egin zezan. Pertsona horrek, baina, ikurrinaren makila altxaru du, ertzainari buruan jotzeko asmoz». Hori

da Ertzaintzak gertatutakoaren inguruan egindako diligentsietan kontatzen dena.

Guardia zibil hori Barakaldoko kuartelean dago lanean. Hori dela eta, atxiloteta gertatu eta berehala, Intxaurrondoko buruetako bat Ertzaintzaren komisariara joan zen, eta atxilotutako guardia zibila berarekin eraman zuen.

Imazen arabera, «gutziz larria»

Josu Jon Imaz Eusko Jaur-laritzako bozeramaileak hitz egin zuen atzo horren inguruan, eta gertatutakoa «gutziz larria» dela adierazi zuen. Bestetik, kasua dagokion lekuan, epaitegietan, dagoela esan zuen, eta Justizia Administrazioaren lana dela gertakari horren inguruan erantzukizunak argitzea. «Guk, beti bezala, epaitegien erabakia onartuko dugu».

Horrez gain, litekeena da EAJk Espainiako Kongresuan Jaime Mayor Oreja Barne ministroaren agerraldia eskatzea, gertatutakoaren inguruan azalpenak eman ditzan.

Bien bitartean, Espainiako Gobernuak Gipuzkoan duen ordezkariordetzan gertatutakoari buruz ezer ez zekitela esan zuten atzo.



XOUSA SIMAL

Mikel Zuluagaren auzokideak, Bilboko guardiako epaitegiaren aurrean.

Garzonen kontra salaketa jarri dute Zuluagaren auzokideek

■ Prebarikazioa eta atxiloteta ilegalak egin izana egotzen diote

Joseba Arruti / Bilbo

MIKEL ZULUAGAREN 50 bat auzokidek salaketa jarri zuten atzo goizean, Bilboko guardiako epaitegian, Baltasar Garzon epailearen aurka.

Marzana, Aretxaga eta Conde Mirasol kaleetako auzokideen arabera, «ezin daiteke ulertu nola den posible, beste pertsona batzuen kartzelatzea eragin

zuen dokumentu baten egi-lea bera zela esateko epaitegian agertzeko prest zegoena atxilotzea». Hala, Garzonen aldetik «prebarikazio edo legez kanpoko atxilotetako delitu zantzurik dagoen argitzeko», eskatu zuten.

Indautxuko komisarian Zuluagak tratatu txarrik jasan ote zuen ikertzeko galdegiteaz gain, Zuluagaren auzokideek berehala aska dezaten eskatu zuten.

SEED CAPITAL
BIZKAIA



Bizkaiko Foru
Aldundia
Ekonomi Sustapen
Saila

Diputación Foral
de Bizkaia
Departamento de Promoción
Económica

DIRUA DAUKAGU IDEIA ON BATI LAGUNTZEKO

«Bazkide bat behar baduzu zeure ideia abian ipintzeko edo, beste barik, hazi egin nahi baduzu, aurrera "Seed Capital de Bizkaia" rekin. Zurekin inbertitzen duen kapital-arriskuko erakundea. Ideia onak finantzatzeko ditugu. Atera zeure enpresa-egitasmoa "Seed Capital de Bizkaia" rekin.

"SEED CAPITAL DE BIZKAIA".
Elcano, 9 - 1. 48008 Bilbo.
Tel. 944 162 223 - Faxa 944 160 223
e-mail: seed.capital@bizkaia.net

"SEED CAPITAL DE BIZKAIA"ko bazkideak

